



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-197-4/23**  
Datum: **19.06.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „ELEKTRO-AGENT“ d.o.o. Tuzla za izdavanje vodne dozvole za aktivnost ispuštanja tehnoloških otpadnih voda sa lokacije proizvodnog objekta (hala za plastificiranje, hala za farbanje i mašinska radionica) izgrađenog u naselju Bukinje, Tuzla, na osnovu člana 12. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

## **R J E Š E N J E** **o odbijanju**

1. Odbija se zahtjev pravnog lica „ELEKTRO-AGENT“ d.o.o. Tuzla za izdavanje vodne dozvole za aktivnost ispuštanja tehnoloških otpadnih voda sa lokacije proizvodnog objekta (hala za plastificiranje, hala za farbanje i mašinska radionica) izgrađenog u naselju Bukinje, Tuzla, na parceli označenoj kao k.č. 726/4, 724/3 i 726/18 K.O. Bukinje, shodno odredbama člana 12. Zakona o vodama.

## **O b r a z l o ž e n j e**

Pravno lice „ELEKTRO-AGENT“ d.o.o. Tuzla se obratio se zahtjevom broj: 1302/23 dana 12.05.2023. godine za izdavanje vodne dozvole za aktivnost ispuštanja tehnoloških otpadnih voda sa lokacije proizvodnog objekta (hala za plastificiranje, hala za farbanje i mašinska radionica) izgrađenog u naselju Bukinje, Tuzla, na parceli označenoj kao k.č. 726/4, 724/3 i 726/18 K.O. Bukinje.

U postupku dostavljena je i pregledana sljedeća dokumentacija:

A: Opšta dokumentacija

- Rješenje o upisu u sudski registar broj: 032-0-Reg-20-000594 od 04.05..2020. godine, izdato od strane Općinskog suda u Tuzli- ovjerena kopija,
- Ovjerena kopija Uvjerenja o poreskoj registraciji izdatoj od Porezne uprave Kantonalni ured Tuzla od 21.11.2006. godine-ovjerena kopija,
- Uplatnica za upravnu taksu u iznosu od 70.00 KM,
- Rješenje o naknadnom odobrenju za građenje broj: 06/10-23-5144-2018 M.B. od 25.06.2018 godine izdato od Službe za prostorno uređenje i zaštitu okoline, Grad Tuzla,
- Rješenje o naknadnom odobrenju za građenje broj: 06/10-23-5142-2018 M.B. od 25.06.2018 godine izdato od Službe za prostorno uređenje i zaštitu okoline, Grad Tuzla,
- Rješenje o odobrenju za upotrebu broj: 06/10-23-005196/18 M.B. od 13.07.2018 godine izdato od Službe za prostorno uređenje i zaštitu okoline, Grad Tuzla,
- Rješenje o naknadnom odobrenju za građenje broj: 07/10-23-001906/11 od 08.04.2011 godine izdato od Službe za prostorno uređenje i zaštitu okoline, Grad Tuzla,
- Rješenje o odobrenju za upotrebu broj: 06/10-23-005195/18 M.B. od 13.07.2018 godine izdato od Službe za prostorno uređenje i zaštitu okoline, Grad Tuzla,
- Rješenje o odobrenju za upotrebu broj: 07/10-23-004952/11 od 30.11.2011 godine izdato od Službe za prostorno uređenje i zaštitu okoline, Grad Tuzla,

- Rješenje o prethodnoj vodnoj saglasnosti broj: 04/1-13-25-10437/18 od 25.04.2018 godine izdato od strane Ministarstva poljoprivrede, šumarstva i vodoprivrede Tuzlanskog kantona
- Kopija zemljišnoknjižnog izvotka, zemljišnoknjižni uložak broj 2132, K.O. SP Lipnica, broj: NAR-13148/21 izdatog 18.11.2021. godine od strane Zemljišnoknjižnog ureda Općinskog suda u Tuzli,
- Kopija zemljišnoknjižnog izvotka, zemljišnoknjižni uložak broj 2350, K.O. SP Lipnica, broj: 3825/18 izdatog 03.04.2018. godine od strane Zemljišnoknjižnog ureda Općinskog suda u Tuzli,
- Kopija katastarskog plana UR Broj 07-31-3412/2018-3 od 03.04.2018 godine izdato od strane Službe za geodeske i imovinsko-pravne poslove, Grad Tuzla,
- Posjedovni list broj 657 broj: 07-31-3412/18-2 od 03.04.2018 godine izdat od strane Službe za geodeske i imovinsko pravne poslove, Grad Tuzla,
- Kopija katastarskog plana UR Broj 07-31-602/2021-3 od 26.01.2021 godine izdato od strane Službe za geodeske i imovinsko-pravne poslove, Grad Tuzla,
- Posjedovni list broj 657 broj: 07-31-601/21-2 od 26.01.2021 godine izdat od strane Službe za geodeske i imovinsko pravne poslove, Grad Tuzla

#### B. Tehnička dokumentacija

- Projekat izvedenog stanja vanjskih hidroinstalacija pravnog lica „ELEKTRO-AGENT“ d.o.o. Tuzla u naselju Bukinje, Tuzla, registrski broj: 10-104/22 , septembar 2022 godine urađen od strane „TQM“ d.o.o. Lukavac.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-197-2/23 od 25.05.2023. godine.

Na osnovu dostavljene dokumentacije i izvršenog uviđaja na terenu utvrđeno je sljedeće:

Lokacija izgrađenog proizvodnog objekta za izradu proizvoda od metala (hala za plastificiranje, hala za farbanje i mašinska radionica) nalazi se u naselju Bukinje, Tuzla, na parceli označenoj kao k.č. 726/4, 724/3 i 726/18 K.O. Bukinje.

Predmetni objekat izgrađen je u naselju Bukinje, Tuzla. Neposredno uz parcelu protiče rijeka Joševica. Rijeka Jala je od predmetnog kompleksa udaljena cca 300 m.

Na predmetnoj lokaciji se nalaze sljedeći sadržaji: upravna zgrada, proizvodni objekat „A“ (pakeraj, stolarska radionica, montaža i dr prateći sadržaji), proizvodni objekat „B“ (pogon zavarivanja, CNC pogon, štanceraj, pogon galenterije, pogon stalaža i gazišta, pogon farbanja, kotlovnica, pogon plastifikacije), objekat magacina gotovih proizvoda za maloprodaju i veleprodaju, proizvodni objekat „C“ (skladište potrošnog materijala) asfaltirana manipulativna površina i parking prostor.

U predmetnim objektima se proizvode proizvodi za široku upotrebu za poljoprivredu, u građevinarstvu, u domaćinstvu i sl.

Snadbjevanje vodom za potrebe predmetnog poslovnog objekta riješeno je priključkom na javni vodovodni sistem.

Tehnološki proces se sastoji od sljedećih operacija: sječenje, savijanje, presovanje, zavarivanje, brušenje, farbanje, nanošenje zaštitnog sloja.

Zaštitni sloj predstavlja naošenje plastičnog filma preko proizvoda od metala i isti se nanosi u vidu prašine preko proizvoda koji se nakon toga zagrijava. Potrošnja praha je cca 2t mjesečno.

U tehnološkom procesu nema direktne upotrebe vode u procesu te ne nastaju tehnološke otpadne vode na taj način.

U postupku farbanja proizvoda koje se vrši ručno dolazi do rasipanja farbe i ista završava u oborinskoj kanalizaciji. Kroz farbaonu prolazi oborinska kanalizacija i u istoj se nalaze rešetke kojima se prosuta farba odvodi zajedno sa oborinskom kanalizacijom koja se ispušta u rijeku Joševicu.

Ambalaža se zbrinjava od strane ovlaštene firme.

U procesu može doći do prosipanja materijala koji pada na pod te će se isti suhim putem čistiti (metlama ili usisivačem) i odlagati zatvorene posude za otpad i prodaje kao sekundarne sirovina.

Prilikom uviđaja utvrđeno je da su manipulativne površine izložene mogućem uticaju onečišćenja od prometa sirovina, ulja koje se koriste u proizvodnji za podmazivanje mašina i drugih aktivnosti vezanih za proizvodnju.

Oborinske vode sa krovova se jednim dijelom direktno ispuštaju u rijeku Joševicu dok jedan dio se ispušta na manipulativni plato sa kojeg se dalje prikupljaju linijskim slivnicima. Ovako prikupljene vode se potom oborinskom kanalizacijom odvođe i bez tretmana ispuštaju u rijeku Joševicu a dalje u rijeku Jalu.

Za rješavanje tretmana oborinskih onečišćenih voda u projektnoj dokumentaciji je predviđena ugradnja separatora ulja i masti sa koalescentnim filterom sa bypass-om.

Za rješavanje problema ispuštanja tehnoloških otpadnih voda iz farbaone rješenje je izmještanje aktivnosti u prostor u kome nema ispusta te suho čišćenje u istoj a nastali otpad da se zbrinjava od ovlaštene firme.

Iz dostavljene dokumentacije i uviđaja izvršenog na predmetnoj lokaciji utvrđeno je da postoji realna procjena da se dio poslovnog objekta nalazi unutar granica vodnog dobra, odnosno da se dio poslovnog objekta nalazi unutar priobalnog pojasa širine 5 metara od granice obale (izrazite morfološke promjene) za površinske vode II. kategorije koja je propisana članom 7. Zakona o vodama ("Službene novine Federacije BiH", broj 70/06) .

Na osnovu navedenog, našim aktom broj: UP-1/21-3-40-197-5/23 od 31.05.2023. godine, traženo je od Ministarstva poljoprivrede, šumarstva i vodoprivrede Tuzlanskog kantona da se očitujete o činjenici da li je doneseno Rješenje o utvrđivanju granice vodnog dobra u skladu sa Pravilnikom o načinu određivanja granica vodnog dobra i o postupku utvrđivanja pripadnosti zemljišne čestice javnom vodnom dobru ("Službene novine Federacije BiH" broj 26/09, 65/20) kojim je obuhvaćena i predmetna lokacija, imajući u vidu činjenicu da je navedeno Ministarstvo da je nadležno za donošenje rješenja za vodotoke II kategorije- rijeku Joševicu.

U aktu- odgovor broj: 04/1-11-21-13702/23 od 05.06.2023 godine dostavljenom od strane Ministarstva poljoprivrede, šumarstva i vodoprivrede Tuzlanskog kantona navedeno je da na predmetnom lokalitetu za potok Joševica koji je vodotok II kategorije nije doneseno Rješenje o utvrđivanju granice vodnog dobra.

Takođe je u obrazloženju Rješenja o prethodnoj vodnoj saglasnosti broj: 04/1-13-25-10437/18 od 25.04.2018 godine donesenom od strane Ministarstva poljoprivrede, šumarstva i vodoprivrede Tuzlanskog kantona navedena činjenica da je bila u toku izrada investicione dokumentacije „Glavnog projekta regulacije rijeke Joševice“ u dužini cca 5300 m“ te da se dograđeni dio predmetnog poslovnog objekta nalazi na trasi koja se projektuje i da je sa situacije terena vidljivo da se regulacija rijeke Joševice može projektovati, odnosno da se projektovana trasa može translatorno pomjeriti (dislocirati) tako da vanjska ivica zida dograđenog objekta ne bude u vodnom dobru.

Realizacija navedene aktivnosti -regulacije rijeke Joševice još uvijek nije izvršena te se navedena činjenica ne može koristiti kao aktuelni podatak o stanju na terenu, nego samo kao informacija da postoji mogućnost da će nakon realizacije regulacijskih radova dograđeni dio poslovnog objekta nalaziti van granica vodnog dobra.

Podnosilac zahtjeva je dostavio Izjavu od 29.05.2023 godine u kojoj navodi da dio izgrađene proizvodne hale koju je kupio u oktobru 2018 godine i koja se nalazi u vodnom dobru nije obuhvaćena građevinskim dozvolama izdatim od strane Službe za prostorno uređenje i zaštitu okoline, Grad Tuzla.

Rješavanje zahtjeva za izdavanje vodne dozvole za ispuštanje tehnoloških otpadnih voda sa lokacije predmetnog poslovnog objekta i propisivanje uslova pod kojima se mogu ispuštati tehnološke otpadne vode iz ovog pogona može se razmatrati tek nakon rješavanja pitanja položaja dijela predmetnog poslovnog objekta u odnosu na vodno dobro, odnosno da isti bude van granica vodnog dobra, sve u skladu sa članom 7. i 12. Zakona o vodama.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 7. i 12. Zakona o vodama, riješeno je kao u dispozitivu ovoga Rješenja.

**Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju  
Rukovodilac sektora za zdavanje vodnih akata  
  
Hans Alisehović, dipl.inž.građ.

Dostaviti:

- „ELEKTRO-AGENT“ d.o.o. Tuzla, 21 decembar br.10, Bukinje, Tuzla (Prilog-tehnička dokumentacija pod tačkom B. obrazloženja ovog Rješenja)
- ④ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava